

30. Святыхъ патріархъ Константина-града: Александра и Іоанна и Павла Новаго, и преставленіе преподобнаго отца нашего Александра, Свѣрьскаго чудотворца. Вечерню и утреню и литоргію поють Александру Свѣрьскому съ Предтечею по уставу, а патріархомъ на павечерни. На вечерни святитель облачается къ молебну, а на облаченіи сакъ вседневной, а на молебнѣ канонъ поють Троицы да Александру, Свѣрьскому чудотворцу.

31. Положеніе честнаго пояса пресвятыя Богородицы въ Халкопратіи. Вечерню и утреню и литоргію поють съ поліелеосомъ (об. 202) по уставу. Трезвонъ во вся безъ большихъ.

### Вослѣдованіе святыя и великія четыредесятница.

(л. 204) Недѣля, въ нюже поется божественая притча евангельская о мытари и фарисеи. Вечерню и утреню съ выходомъ и соборной молебенъ и литоргію поють по уставу.

Недѣля, въ нюже чтется божественая притча евангельская о блудномъ сыну. Вечерню и утреню съ выходомъ и соборной молебенъ и литоргію поють по уставу, а на утрени рѣку Вавилоскую демественую поють пѣвцы: 1-ю статію правый клиросъ, 2-ю статію лѣвый клиросъ, 3-ю статію подіаки на амбонѣ. И въ прочія 2 недѣли: въ мясопустную и въ сыропустную такоже поють непремѣнно. На мясопустной недѣли (на полѣ: зри) ѣздитъ святитель прощатися въ Отню пустыню къ чудотворцу Іонѣ, да въ томъ же поѣздѣ и къ Савѣ Виперьскому; (об. 204) да на той же недѣли во инъ день ѣздитъ на Клопско къ Михайлу чудотворцу, да въ томъ же поѣздѣ и къ чудотворцу Ефрему на Перекому. Аще ли будетъ (на полѣ: смотри) на сырной недѣли праздникъ или недоволь какой, и на той же недѣли ѣздитъ святитель на Вяжица къ Николѣ и къ чудотворцу Евфимію, а поѣдучи на Вяжица заѣзжаетъ къ чудотворцу Николѣ Кочанову молитися. Егда же пріѣдетъ святитель (на полѣ: виждь) къ монастырю, и посылаетъ отъ себя вѣсть напередъ. Тогда въ монастырѣ начнутъ благовѣстити въ большой колоколь, а игумень въ мантии и братія, вышедъ, встрѣчаютъ святителя за святыми врата; облачяся, пощъ со крестомъ, а діаконъ съ кадилломъ такоже выходятъ за врата. И, егда святитель выдетъ изъ саней, тогда начнутъ звонити во вся. И, пришедъ святитель ко святымъ вратамъ, молитца и глаголетъ: Достойно есть и обычный *молитвъ* отпустъ; таже діаконъ покадитъ святителя, а игумень же подноситъ съ правыя страны ко святителю (л. 205) крестъ. И святи-

тель, приѣмъ крестъ, благословить себе, потомъ игумена, іерея и діакона, и отдасть крестъ іерею, и по семъ благословляетъ братію рукою. Также святитель идетъ въ монастырь и въ церковь по обычаю и, вшедъ въ церковь къ Евфимію и ставъ на обычномъ мѣстѣ, творить приходные поклоны по обычаю и знаменуется у святыхъ иконъ. И начинаеть молебень игумень самъ соборомъ, и по молебнѣ отпустъ со крестомъ, и подноситъ игумень ко святителю крестъ. И <sup>1</sup> благословить себе святитель крестомъ, также благословляетъ крестомъ игумена и священницъ и братію и потомъ святитель творить у чудотворцева гроба прощеніе и, отъ чудотворца вышедъ, обѣдню слушаеть въ трапезѣ, а послѣ обѣдни, вышедъ изъ церкви, входитъ въ келію. И бываеть въ монастырѣ у игумена з братією святителю столъ въ келіи. И послѣ стола святитель идетъ въ церковь и, у чудотворцева гроба прощеніе получивъ, идетъ изъ монастыря и у святыхъ вратъ глаголетъ Достойно есть и молитвенный (об. 205) отпустъ; потомъ глаголетъ ко игумену и братіи прощеніе и по прощеніи благословляетъ ихъ рукою и ѣдетъ въ домъ свой, слава Бога.

Аще ли святитель изволить (на полѣ: зри) въ сія прощальныя дни служить литоргію въ монастырѣхъ, въ которыхъ въ году ходы и приѣзды святительскіе на праздникъ не бывають: на Вяжищахъ, въ Отни, на Клоуцкѣ, на Перекомѣ, въ Савинѣ; и тогда святитель посылаетъ вѣсть за день въ монастырь и приказываетъ праздновать чудотворцемъ, пѣть вечерню среднюю и всенощное по уставу по храмовой главѣ. И того дни преже святителя ѣздятъ ризницей съ ризницею и чредные служащіе попы и діаконы и пѣвцы и подіаки и прочіи служебницы, каждо съ своею службою. И, приѣхавъ въ монастырь, устрояють вся въ церкви къ божественей литоргіи, къ святительской службѣ по чину. Егда же святитель приѣдетъ къ монастырю, и встрѣчаютъ святителя игумень з братією з благовѣстомъ и з звономъ (л. 206) и въ облаченіи попь съ крестомъ и діаконъ съ кадиломъ по прежеписанному указу. И, вшедъ святитель въ монастырь, идетъ въ келію для ради премѣненія обычныхъ ризъ. Егда же приспѣсть время божественныя литоргіи, тогда, по благословенію святителя, благовѣстятъ къ обѣдни; въ то же время собираются въ церковь священницы и служебники, каждо во свою службу. По семъ святитель приходитъ въ церковь и, ставъ на мѣстѣ, творить приходные поклоны, и знаменуется у святыхъ иконъ и у чудотворцева гроба, и облачается и глаголетъ входъ и архіерейскія молитвы по чину. И

<sup>1</sup> святитель, приѣмъ крестъ, благословляетъ...

поютъ предъ обѣднєю молебень; на молебнѣ канонъ настоящему храму да чудотворцу. И по молебнѣ святить святитель воду по обычаю и служить литургію по чину. И послѣ литургіи у игумена з братьею въ монастырѣ столъ святителю. И послѣ стола святитель идетъ изъ монастыря по прежеписанному и ѣдетъ въ домъ свой, славя Бога.

Въ субботу мясопустную (об. 206) къ вечерни благовѣсть во свое время; трезвонъ въ 5 колоколовъ, и поютъ вечерню по уставу. На вечерни святитель облачается къ панахидѣ, сакъ постной вседневной, и поютъ панахиду своимъ соборомъ со свѣчами по чину; свѣчи отъ ключарей. На утрени дѣяконъ облачается во 2-ю кафизму и глаголетъ заупокойныя вселенскіе ектеніи, на степени стоя въ церкви съ кадиломъ, а іерей предъ престоломъ въ октенію себѣ втай<sup>1</sup> чтеть сѣнодикъ. И послѣднюю ектенію: Помилуй насъ Боже іерей и дѣяконъ съ кадиломъ глаголютъ за амбономъ, и по ектеніи дѣяконъ покадитъ іерея и отдастъ кадило іерею и станетъ возлѣ святительскаго мѣста. Іерей по молитвѣ глаголетъ возгласъ, и по возгласѣ дѣяконъ: Премудрость. Іерей глаголетъ отпусть заупокойной съ кадиломъ; дѣяконъ кличетъ: Во блаженное успеніе и въ вѣчный покой рабомъ Божиимъ, иже отъ вѣка (л. 207) преставльшимся, отцемъ и братіямъ нашимъ и всѣмъ православнымъ христіаномъ, о нихъ же поминаніе творимъ, вѣчная память. Также священницы поютъ: рабомъ Божиимъ; тогда іерей кадитъ надъ царскими дверми сѣнь, и настоящей образъ Софѣю, и на налогѣ образы, и святительское мѣсто и святителя, и за амбономъ образъ, и среди церкви на столпѣ образъ, и протопопы, и надъ правымъ клиросомъ образъ и священницъ; по семъ на лѣвой страпѣ Успеніе Богородицы, и за амбономъ образъ, и надъ лѣвымъ клиросомъ образъ и священницъ, потомъ дѣякона. И дѣяконъ, пріемъ кадило, покадитъ іерея; также іерей, сотворъ поклоненія 3 ко святымъ иконамъ и зашедь ко святителю, творитъ прощеніе, и отходятъ во олтарь и поютъ 1-й часъ по уставу. Благовѣсть къ обѣднѣ въ полъ 2 часа дни. Святитель служитъ литургію по обычаю, и послѣ обѣдни у святителя въ Софѣйскомъ дому столъ служащимъ (об. 207) и кого святитель пожалуетъ, а за столомъ хлѣбъ Богородицынъ и чтеніе въ Рай. Въ субботу вечеръ благовѣсть къ вечерни во свое время; вечерню поютъ по уставу.

Въ недѣлю мясопустную благовѣсть къ заутрени за 5 часовъ дни, и поютъ заутреню съ выходомъ по уставу. На 1-мъ часу благословляются у святителя ключари за олтаремъ къ дѣйству страшнаго

<sup>1</sup> тай.

суда мѣсто готовить. Благовѣсть на соборъ въ началѣ 1-го часа дни въ большой колоколъ и въ средней и въ меньшей, перемѣняяся, а въ то время звонцы строятъ святителю мѣсто за олтаремъ, и поставляютъ столъ оболченъ возлѣ церкви Іоакима и Анны, и на немъ поставляютъ образъ видѣнія Даніила пророка страшнаго суда, и поставляютъ два налога и передъ ними подсвѣчники со свѣчами, и за налогомъ на столѣ ставятъ чашу водную и возлѣ стола кумганъ съ водою ко освященію. И оберегаютъ (л. 208) *звонцы святительскаго мѣста* накрѣпко до святителява приходу и блюдутъ со всякимъ опасеніемъ, а ключари надзираютъ надъ звонцы прилежно. Въ началѣ 3-го часа дни звонъ во вся довольно, а власти съѣзжаются въ звонъ ко святителю въ крестовую келію, а святителя къ обѣдни провожаютъ подіяки въ облаченіи со свѣчами и съ пѣніемъ по обычаю, а стихи поютъ страшному суду: Егда хоцещи пріити <sup>1</sup>. И святитель, пришедъ въ церковь и ставъ на своемъ мѣстѣ, творитъ обычныя поклоны, и по поклонѣхъ знаменуется у святыхъ иконъ и въ олтари, и облачается съ пѣніемъ по чину, и по облаченіи глаголетъ входъ и архіерейскія молитвы, а подіяки поютъ на мѣрѣ стихи дневныя, перемѣняя станицы. Егда начнетъ святитель третію молитву говорить, тогда ключари у святителя благословляются кресты и иконы поднимать. И по благословеніи ключари повелѣваютъ священникомъ и діакonomъ посадскимъ (об. 208) кресты поднимать: и рипиды и крестъ выносной и иконы: Софѣю, Знаменіе Богородицы, Пречистые Владимирскіе и чудотворныя Тифицкіе и наложныя полотенца. И, по совершеніи молитвы, приказываетъ протодіаконъ подіаку повѣщать властей на соборъ. Таже подіакъ, вшедъ въ олтарь, сказываетъ властямъ: святитель благословляетъ властей на соборъ. Таже протодіаконъ, сотворъ ко святымъ иконамъ поклоненія 3 и пріемъ отъ святителя благословеніе и зря къ востоку, начинаетъ велегласно: Благослови владыко. И святитель начинаетъ: Благословенъ Богъ нашъ. Псаломщикъ глаголетъ: Царю небесный; другій: Господи услыши молитву мою. Таже священницы поютъ: Аллилуія и ектенію и Богъ Господь и тропари: Помилуй насъ, Господи, помилуй; по семь псаломъ 50. Тогда ключари благословляются у святителя кресты отпущать и отпущаютъ кресты въ церкви въ западныя двери и повелятъ звонитъ довольно во вся. Тогда святителю ключарь (л. 209) подноситъ крестъ благословящей золотой съ мощми на блюдѣ въ церкви къ мѣсту, и святитель пріемлетъ крестъ въ правую руку, поддержимъ діаконы подъ руки. И по-

<sup>1</sup> и Судъ правед...

томъ подносятъ къ мѣсту же 2 евангелія священники, и едино при-емлетъ протодіаконъ, а другое ризничей. И станеть протодіаконъ съ правыя руки святителя, а ризничей съ лѣвыя, и идутъ въ рядъ со святителемъ за великій олтарь къ дѣйству страшнаго суда, а передъ святителемъ идутъ подіаки и поютъ исполати тройную, дондеже станеть святитель на своемъ мѣстѣ за олтаремъ; да за ними предъ святителемъ же идетъ подіакъ съ лампадою да два подіаки з большими свѣчами. А священники, предъ Владимирской Пречистой идучи, поютъ ирмосы ис Трїоди страшнаго суда и сохраняютъ до 7 пѣсни, а канонъ ис Трїоди утреней говоритъ попь. И пришедъ на уреченное мѣсто со кресты, и уставляютъ ключари кресты и святыя иконы по чину, а святитель, пришедъ, станеть на своемъ мѣстѣ. Таже ключарь, (об. 209) пришедъ з блюдомъ ко святителю, и приемлетъ на блюдо честный крестъ отъ рукъ святительскихъ и поставляетъ его на налогѣ и образъ страшнаго суда въ полотенцахъ. А протодіаконъ и ризничей, ставъ на средину и сотворъ ко святителю поклоненіе, полагаютъ евангелія на налогѣ, а ключари поставляютъ предъ налогомъ подсвѣчники со свѣчами и велятъ престать звонить. Власти же и священники ставатся по ликомъ; святитель же, на своемъ мѣстѣ ставъ, сотворъ ко святымъ иконамъ поклоненія 3, и осѣнитъ на обѣ страны рукою народъ. А протодіаконъ, ставъ предъ налоги, сотворъ поклоненія 3 ко святымъ иконамъ, начинаетъ велегласно: Благослови владыко. И святитель глаголетъ: Благословенъ Богъ нашъ; пѣвцы: Аминь и начинаютъ пѣти стихиры страшнаго суда; подіакъ сказываетъ стихиры. Потомъ благословляетъ святитель боярина и воеводу и діаконъ. По семъ власти и іерен, сшедъ съ ликовъ каждо по единому (л. 210) на среду, поклоняются святителю два-два по обычаю и пакы стануть каждо на своихъ мѣстехъ. Таже протодіаконъ съ поклоненіемъ приноситъ ко святителю кадило; святитель же, приеъмъ кадило, и назнаменавъ на обѣ страны кадиломъ лики, и сшедъ съ мѣста своего, кадитъ на налогѣхъ евангелія и честныя кресты и святыя иконы и боярина и воеводу и діаконъ и властей и священницъ и весь народъ на правой странѣ по обычаю. И по святителевѣ каженіи кадятъ власти два-два, якоже указано на лѣтоначиваніи, а стихиры поютъ страшнаго суда.

Самогласенъ, гласъ 8. Егда поставятся престоли и отверзутся книги, и Богъ на судѣ сядеть, о кій страхъ тогда, аггеломъ предстоящимъ въ трепетѣ и рѣцѣ огненѣй текущи! Что сотворимъ тогда, иже во мнозѣхъ грѣсѣхъ повиннии чловѣцы, егда же услышимъ зовуща Его благословенна Отца въ царствіе, грѣшныхъ же отсылающа въ

муку? и кто постоитъ страшнаго (об. 210) онога отвѣта? Но едине челоуѣколюбче Спасе, царю вѣкомъ, даже колчина не приспѣветъ, поканіемъ обратишь и помилуй мя.

Гласъ 6. Помышляю день оупь и часъ, егда хощемъ вси нази и яко осужени неумытному Судіи предстати. Тогда труба возгласитъ велми, и основанія земли подвижатся, и мертвіи отъ гробъ воскреснутъ, и въ возрастъ единъ вси будутъ, и всѣхъ сокровенная явлена предстанутъ предъ Тобою, и узрятъ, и восплачутся, и во огнь кромѣшній пойдутъ, иже николиже покаявшися, и въ радость и въ веселіе праведныхъ ликъ видеть, въ чертогъ небесный.

Гласъ 8. Увы мрачная душе, доколѣ злыхъ не отрѣваешися, доколѣ уныніемъ слежиши? Что не помышляеши страшный часъ смерти, что не трепещеши всестрашнаго судища Спасова, убо что отвѣщаеши или что отречеши? Дѣла твоя предстоятъ на обличеніе твое, дѣянія обличающе и клеветуеще; (л. 211) прочее, о душе, время наста: тецы, предвари, вѣрою возопи: согрѣшихъ, Господи, согрѣшихъ Ти, но вѣдѣ, челоуѣколюбче, благоутробіе Твое, пастырю добрый, да не отлучиши мене, иже одесную твоего предстоянія, яко единъ милосердъ.

Гласъ 6. О кій часъ тогда и день страшный, егда сядетъ Судія на престолѣ страшнѣмъ! Книги разгибаются и дѣянія обличаются и тайная тмы явлена будутъ, а аггели обходятъ, собирающе вся языки: Приидѣте царіе и князи, раби и свободніи, грѣшницы и праведницы, богатіи и нищии, яко грядетъ Судія, хотяй судити всей вселенней. И кто постоитъ предъ лицемъ Его, егда аггели предстанутъ, обличающе дѣянія, помышленія и мысли, аже въ ноци и во дни? О кій страхъ тогда! но преже даже не приидетъ кончина, потщися душе зовущи: Боже, обративъ, спаси мя, яко единъ милосердъ.

Гласъ 8. Даніиль пророкъ, мужъ желаніемъ бывъ, власть Божію видѣвъ, сице (об. 211) вопіаше: Судія сѣде, и книги разгнушася. Влюди душе моя: постыжилися, ближняго не презри; отъ брашенъ воздержаетися, брата своего не осужай, да не во огнь отсылаема расташися, яко воскъ, но да безъ поткновенія введетъ тя Христосъ въ царство свое.

(На полѣ: По сихъ стихъ поють:) Егда приидеши во славѣ. Таже чтець чтець паремьи, ставъ на средѣ предъ налогомъ. Тогда ключари приемлютъ отъ святителя съ водою благословеніе и вливаютъ воду въ чашу. Таже приходятъ ко святителю (на полѣ: зри) протопощ со діакономъ и, приемъ благословеніе, творятъ освященіе водѣ и дѣйствуютъ надъ водою все по обычаю августовымъ священіемъ до погруженія честнаго креста. Святитель же приходитъ ради погруженія честнаго

креста послѣ евангелія, внигда глаголетъ протодіаконъ ектешию: Помилуй насъ Боже. И, пришедъ тогда, святитель творить погруженіе кресту и съ сущими съ нимъ. Протодіаконъ внимаєть пареміямъ, глаголетъ: Премудрость. Чтець, (л. 212) ставъ на среду, зря къ востоку лицемъ, глаголетъ: Отъ пророчества Іоилева чтеніе; протодіаконъ: Вонмемъ. Чтець чтеť паремью: «Тако глаголетъ Господь: вострубите трубою въ Сіонъ... и будетъ всякъ, иже призоветъ имя Господне, спасется<sup>1</sup>». Отъ пророчества Исаина чтеніе: (об. 212) «Тако глаголетъ Господь: плачьтеся, близъ бо день Господеень... (л. 213) и придетъ всяка плотъ предъ Мя, придетъ поклонитися во Іерусалимъ, рече Господь<sup>2</sup>». Отъ пророчества Даниилова чтеніе: «Въ первое лѣто Валтасаря, царя Халдѣйска, Даниилъ сонъ видѣ... (об. 213) и царство Его во вѣки не разсыплется<sup>3</sup>».

И по пареміяхъ протодіаконъ внимаєть прокимну, и чтець сказываєть прокимень: Велий Господь нашъ и велія крѣпость Его. Стихъ: Хвалите Господа, яко благъ, псаломъ. Протодіаконъ: Премудрость; чтець: Къ Коринѳомъ посланіе. Протодіаконъ: Вонмемъ; чтець<sup>4</sup> чтеť апостоль. Таже протодіаконъ приємъ отъ святителя съ кадиломъ благословеніе и кадитъ на налогахъ евангелія и выносныя иконы и святителя и властей на оба лика по чину. Апостоль: къ Коринѳомъ посланіе, зачало 140: «Братіе, брашно насъ не поставитъ предъ Богомъ... (л. 214) Аще убо инымъ нѣсмъ апостоль, но убо вамъ есмъ, печать бо моему апостольству вы есте о Господѣ<sup>5</sup>». Потомъ протодіаконъ внимаєть; чтець сказываєть: Аллилуія со стихи. Стихъ: Приидѣте возрадуемся; стихъ: Предваримъ лице Его во исповѣданіи. По семъ приємлють съ налога евангелія: протодіаконъ свое, по которому чести, а ризничей святительское, и два діакона двѣ свѣчи большихъ и два подіаки благословящія свѣчи (об. 214) и, пришедъ предъ святителя, вкупѣ сотворятъ поклоненіе, а въ то время полоннаръ приготовитъ налогъ протодіакону подъ евангеліе противъ святителя, мало отнесъ отъ иконъ. И по поклонѣ ризничей подноситъ ко святителю евангеліе и два діакона со свѣчами, а протодіаконъ идетъ со евангеліемъ къ налогу, гдѣ чести уготовано, и станетъ ко святителю лицемъ, и два подіаки со свѣчами свѣтять у налога ему. Святитель же возглашаєть: Премудрость! прости услышимъ святаго евангелія; по семъ протодіаконъ глаголетъ тоже: Премудрость! прости. Таже святитель: отъ Матѳея святаго евангелія чтеніе; протодіаконъ глаголетъ то же.

<sup>1</sup> Іоил. II, 1—32.—<sup>2</sup> Исаин XIII, 6. LXVI, 23.—<sup>3</sup> Даниил. VII, 1—14.—

<sup>4</sup> и чтець.—<sup>5</sup> 1 Кор. VIII, 8—IX, 2.

Пѣвцы поють: Слава Тебѣ, Господи. По семь *святитель* глаголетъ: Возмемъ; протодіаконъ тоже. Также святитель чететь святое евангеліе. Егда возгласитъ святитель на которой <sup>1</sup> строки, и протодіаконъ по возгласѣ святителя чететь тоже евангеліе и возглаголетъ на той же строкѣ, (л. 215) по тѣмъ же мѣстомъ, гдѣ святитель возглаголетъ. Евангеліе отъ Матоея, зачало 106: «Рече Господь: егда придетъ Сынъ человѣческій въ славу своей... и идутъ (л. 216) сѣи въ муку вѣчную, праведницы же въ животъ вѣчный<sup>2</sup>». Егда же святитель возгласитъ послѣднюю строку евангелія, и подіаки, ставъ на среду противъ святителя, поють: исполайти деспота, а святитель знаменався у евангелія и цѣлуетъ. И ризничей, пріемъ отъ святителя благословеніе, отходитъ со евангеліемъ и діакони со свѣчами на среду и ожидаютъ отъ протодіакона скончанія евангелію. И какъ подіаки пропоютъ исполайти, также протодіаконъ дочтетъ конецъ евангелія, и по совершеніи евангелія пѣвцы поють: Слава тебѣ, Господи. А протодіаконъ со евангеліемъ и подіаки со свѣчами пришедъ на среду и стапуть въ рядъ съ ризничимъ и з діаконъ, и творитъ протодіаконъ ко святителю поклоненіе и подноситъ евангеліе; святитель же цѣлуетъ святое евангеліе и благословляетъ протодіакона рукою. Протодіаконъ же паки отходитъ на среду къ ризничему, и творятъ вси вкушѣ поклоненіе святителю и отходятъ и полагаютъ евангелія (об. 216) паки на налогахъ, а въ то время помонарь паки поставляетъ налогъ на прежнее мѣсто. Также протодіаконъ, пріемъ отъ святителя благословеніе съ кадиломъ, и глаголетъ ектенію великую: Помилуй насъ, Боже, по велицей милости твоей и прочая и кадитъ по чину. Въ то же время приходятъ подіаки ко святителю съ рукомоемъ, и святитель сѣдя умываетъ руки, а власти подносятъ ко святителю полотенца на руки. По умовеніи же рукъ, святитель, сшедъ съ мѣста своего, и идетъ къ чаши и погружаетъ честный крестъ и глаголетъ съ прочими священники тропарь: Спаси, Господи, люди своя 3-жды и, по погруженіи креста, губою со святою водою отираетъ святыхъ иконы, а протопопъ з діаконъ вершатъ дѣйство освященію водѣ. И святитель совершитъ яже о водѣ и станетъ паки на своемъ мѣстѣ. И, по скончаніи ектеніи отъ протодіакона, святитель глаголетъ возгласъ: Яко милостивъ и человѣколюбецъ Богъ еси и Тебѣ (л. 217) славу возсылаемъ. Также святитель пріемлетъ крестъ и осѣняетъ народы крестомъ на 4 страны, а протодіаконъ противу кадитъ честный крестъ и на коемждо каженіи въ началѣ возглаголетъ протодіаконъ: Господу помолимся, рцемъ вси, а подіаки, ставъ на среду,

<sup>1</sup> на коей.—<sup>2</sup> Мѡ. XXV, 31—46.



на всякомъ осбненіи поють: Господи помилуй 3-жды. Также протодіаконъ: Премудрость; пѣвцы: Честнѣйшу херувимъ. Святитель же, ставъ на среду на орлецы, и глаголетъ отпустъ воскресной со крестомъ, и по отпустѣ благословляетъ святитель крестомъ себе, и кропитъ святою водою и, ставъ на мѣстѣ, благословляетъ боярина и воводу и діаконъ и кропитъ святою водою. По семь ключари отпущаютъ образъ страшнаго суда напредъ въ церковь, а несутъ попы и поставляютъ его на своемъ мѣстѣ. И потомъ съ честными кресты и со святыми иконы идутъ въ западныя двери, а діаконъ встрѣчаетъ съ кадилломъ, а крестъ на блюдѣ и евангелія в дѣйства (об. 217) относятъ попы. И, идучи, соборные попы допѣваютъ 7-ю и 8-ю и 9-ю пѣснь ирмосовъ и сохраняютъ и, въ церковь идучи, поють ирмосъ вмѣсто Достойна 9-я пѣсни: Безсѣменно зачатіе. Егда же святитель войдетъ въ церковь, и подіаки поють входъ, исполайти мевшую. Также псаломщикъ Трисвятое и по Отче нашъ тропари: Помилуй насъ Господи; Слава и нынѣ, кондакъ: Егда приндеси Боже на землю. Потомъ протодіаконъ, пріемъ съ кадилломъ отъ святителя благословеніе, и глаголетъ ектенію большую: Помилуй насъ Боже; и по ектеніи глаголетъ святитель возгласъ и отпустъ по обычаю. И по отпустѣ благословитъ святитель себе крестомъ и кропитъ водою и, ставъ на мѣстѣ, благословляетъ властей и кропитъ водою и освященный соборъ и всѣхъ православныхъ христіанъ.

Потомъ начинаютъ часы и подіаки поють на мѣрѣ стихи страшнаго суда, и служитъ (л. 218) святитель литоргію со властями по обычаю. И пѣвцы на оба лика литоргію поють строчную московскую, а подіаки поють амбонное все демественное. И послѣ обѣдни провожаютъ святителя подіаки въ облаченіи со свѣчами и съ пѣніемъ и погъ съ образомъ страшнаго суда, что въ полотенцахъ, и діаконъ съ панагіею. И того дни у святителя въ Софѣйскомъ дому столъ властемъ и всему Софѣйскому собору, а за столомъ хлѣбъ Богородицынъ и чтеніе въ Раи.

На сырной недѣли въ понедѣльникъ и во вторникъ и въ среду ѣздитъ святитель прощатся на Вязища къ чудотворцу Евфимію, а поѣдучи на Вязища, заѣзжаетъ къ чудотворцу Николѣ Кочапову, во нынѣ день къ чудотворцу Варламу, на иной день къ чудотворцу Антонію. Въ вторникъ вечеръ благовѣсть къ вечерни и въ среду къ заутрени и къ часомъ и къ павечерни въ Макарьевской колоколь и пѣніе поють по уставу съ поклоны, а къ часомъ благовѣсть (об. 218) въ началѣ 4-го часа дни, а къ павечерни за <sup>1</sup> 2 часа ночи. Въ четвертокъ къ заутрени и къ обѣдни благовѣсть въ большой колоколь;

<sup>1</sup> полъ 2 часа.

къ обѣднѣ благовѣсть въ полѣ 2 часа дни. Того дни съѣзжаются ко святителю власти для прощенія съ переносными оловяники, и въ Софійскомъ дому у святителя того дни столъ на властей и на весь Софійской соборъ въ погребной полатѣ; за столомъ чтеніе чтутъ въ Раи. И по востаніи отъ стола глаголютъ: Достойно есть, Слава и вышѣ, Господи помилуй 2-жды, Владыко благослови; и святитель глаголетъ: Благословенъ Богъ, милуя и питая насъ. Потомъ діяки запоютъ: Покаяніа отверзи ми; по пропѣтіи того стиха 2-я стапца: О дивное чудо. Въ то же время святитель даѣтъ властямъ по ковшу пивія, и творитъ прощеніе, и по прощеніи благословляетъ святитель властей рукою, и даѣтъ въ клобукъ цѣловать, и выходитъ изъ полаты въ свою келію, (л. 220) а діяки, предъ нимъ идучи, допѣваютъ: О дивное чудо по обычаю. Въ той же четвертокъ <sup>1</sup> вечеръ и въ пятокъ къ заутреннѣ и къ часомъ благовѣсть въ Макарьевской колоколь, а къ часомъ благовѣсть въ началѣ 4-го часа дни, а къ вечерни звонъ въ 5 колоколовъ. И того дни ѣздитъ святитель на Сковоротку къ чудотворцу Моисѣю, а къ павечерни благовѣсть въ Макарьевской колоколь. Того же дни приказываетъ ключарь старостамъ поповскимъ, чтобы были къ заутреннѣ къ Софїи въ недѣлю вси съ посаду псны и діяконы для поученія духовнаго отъ святителя на подвигъ постный.

Къ вечерни благовѣсть за полѣ 3-я часа дни; пѣніе все по уставу. Въ недѣлю къ заутреннѣ благовѣсть за 6 часовъ и пѣніе бываетъ все по уставу. И <sup>2</sup> по степеннѣ прокимень и евангеліе чтутъ Богородицы. И послѣ каноновъ 9-я пѣсни, по Достойннѣ, и поставляютъ звонцы мѣсто святителю среди церкви и покрываютъ ковромъ, а на немъ поставляютъ (об. 220) кресла съ зголовьемъ и полагаютъ орлець. И бываетъ на заутреннѣ выходъ на Славословіи со кресты и съ евангеліемъ по чину. И, по прочтеніи евангелія отъ протопопа на амбонѣ, идутъ посадскіе священники на выходъ къ Похвалѣ Богородицы по обычаю въ западныя двери и приходятъ въ красныя врата, а протопопъ, сшедъ съ амбона, подноситъ ко святителю евангеліе, и святитель цѣлуетъ святое евангеліе. И по цѣлованіи протопопъ съ поклономъ относитъ евангеліе во олтарь и полагаетъ на престолѣ, а въ то время, въ октевию, изъ олтаря приходятъ протодіаконъ да ризничей къ мѣсту святительскому съ поклономъ, и приемятъ святителя съ мѣста подъ руки, и взводятъ на мѣсто средѣ церкви, и облачаютъ святителя по обычаю къ молебну. И по облаченіи святитель сѣдитъ на мѣстѣ, дондеже совершится часъ 1-й. Протопопъ и священники соборные (л.

<sup>1</sup> четвергъ.—<sup>2</sup> а.

221) поють на 1-мъ часу стихиру евангельскую и по стихѣрѣ облачаются въ олтари по чину. По отпустѣ 1-го часа начинается прото-діаконъ молебень велегласно: Благослови владыко; святитель: Благословенъ Богъ нашъ, а протопопы и священники соборные и градскіе, вышедъ изъ олтаря, ставятся по ликомъ и по началѣ творятъ ко святителю поклоненіе два-два, и поють молебень по уставу, а на молебиѣ канонъ Успенію Богородицы поють по ликомъ, да чудотворцамъ Никитѣ и Іоанну говорятъ подіаки на налогѣхъ, а за Достоивно поють: Владычице *прими*. Также ектенія, и по ектеніи святитель возгласъ, и по возгласѣ отпустъ со крестомъ средѣ церкви. Также, ставъ на мѣстѣ свосмъ, святитель глаголетъ поученіе протопопомъ, іереомъ и діакономъ, всѣмъ во услышаіе:

Братіе, присѣ время духовныхъ подвиговъ начало, яже на бѣсы побѣда, всеоружное воздержаніе, аггельское благолѣпіе, (об. 221) еже къ Богу дерзновеніе: пріиде постъ, мати цѣломудрію, обличитель грѣхомъ и проповѣдникъ покаянія, сожитіе аггеломъ и спасеніе челоукомъ; покаянію наста время, воздержанію показавъ плоды. Постимся постомъ пріятнымъ благоугодно Господеви. Истиненъ постъ, еже злыхъ отчужденіе, воздержаніе языку, ярости отложеніе, похотемъ отлученіе, клеветы и лжа и клятвопреступленія, еже сихъ умаленіе постъ есть истиненъ и благопріятенъ. Начнемъ, людіе, непорочнаго сего поста, иже душамъ спасеніе; поработаемъ Господу со страхомъ.

### Поученіе епископле іереомъ.

Слыши, іерейскій преподобный соборе, къ вамъ ми слово, понеже вы наркостеся земніи аггели, небесніи челоуцы. Вы со аггелы предстоите у престола Господня, вы съ серафимы носите Господа, вы сводите Духъ Святый съ небесъ и претворяете хлѣбъ въ плоть (л. 222) и вино въ кровь Божию челоукомъ невидимо (мнози же святіи видѣша и нынѣ достойни видятъ); вы просвѣщаете челоуки божественнымъ крещеніемъ, вы связаете на земли, Богъ не разрѣшаетъ на небеси. Вами совершаетъ Господь тайны святѣвіе роду челоуческому, васъ стража постави и пастухи своихъ словесныхъ овецъ, занеже Богъ нашъ пролія честную свою кровь; вамъ преда талантъ, егоже хочетъ отъ васъ истязати во вторый свой приходъ. И какъ и умножили будете данный вамъ даръ, како будете унасли стадо словесное Христово, како будете соблюли святыню вашу нескверну, какъ будете <sup>1</sup> не соблазнили вѣрныхъ? Рече бо Господь: лучше вязати жерновъ

<sup>1</sup> будетъ.